



## Universitätsbibliothek Paderborn

### **R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.  
Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIII**

De oratione Domini in monte oliueti Theo. VI.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

Consilium quoque ad prouocandam sibi Dei misericordiam præbet vir sanctus & expertus, dicens: *Iacta super Dominum curam tuam, & ipse te enutriet.* Psalm. 54. Item: *Sperantem autem in Domino misericordia circumdabit.* Cæterum, vt ex Psalm. 31. multis vel vnam historiam recenseam, vbi Dominus Iudæorum consolatus sit tristitiam, recolat qui diuinos legit libros, Esther reginam, Mardocheum, Esth. 4. 5. reliquosque omnes Iudæos, in quantam tristitiam atque expectationem mortis, Aman ex odio Mardochei illis exterminationem & vltimum excidium machinante, venerint: Deo tamen miserante, iterumque in consolationem & gaudium cuncta vertente, liberati sint, aded vt quasi de vinculis mortis ijs iterum Domino miserate ereptis, noua lux oriri visa sit, gaudium & tripudium apud vniuersas gentes. Videatur historia (longa est enim) ex libro Esther, quia nos ad alia festinamus. Hoc modo in libris Iudicum, Ruth, Regum, Iudith, Machabæorum infinita reperies: è quibus discitur, tristes, afflictosque quam libenter consoletur Deus. Deinde in nouo quoque testamento Apostolis nonne paulò ante cum tristitiam eos passuros prænucciafferet, consolationem mox adiungens: *Sed tristitia, inquit, vestra vertetur in gaudium?* Nonne omnibus electis, qui in hoc mundo per tribulationes eunt ad regnum cælorum, qui hic per arctam ambulant viam, & per angustam intrare portam contendunt: qui persecutionem, quoniam piè volunt viuere in Christo, hic patiuntur, reddet consolationem, tristitiæque dabit finem? *Absterget enim Deus omnem lachrymam ab oculis sanctorum suorum,* &c. Verùm non solum post hanc vitam, sed hic etiam in tribulatione constitutis, nunquam deest consolatio diuina, Paulo dicente: *Benedictus Deus & Pater Domini nostri Iesu Christi, Pater misericordiarum & Deus totius consolationis, qui consolatur nos in omni tribulatione nostra.* Hic igitur qui omnium sanctorum est gaudium, festiuitas & corona, qui tristes omnes consoletur, hic iam in tantam tristitiam est adductus, vt dicat: *Tristis est anima mea usque ad mortem.* Hæc verba quomodo sint intelligenda, vndeque tristitia Christo tanta orta sit, quia in prima passionis elucidatione dixisse me recolo, illuc lectorem remitto.

Tristes afflictosque quam libenter consoletur Deus. Ioan. 16. Act. 14. Matth. 7. Luca. 23. 2. Tim. 3. Apocal. 21.

2. Cor. 1.

Matth. 26.

Præcatio pro mititate & patientia.

**T**ibi autem pie Iesu omnes tristitias nostras in tuas offerimus, illis quesumus tuas, & omnem à nobis leuitatem repellas. Fac etiam pie Iesu, vt nulla in nobis tristitia resideat, quæ propter te aut tui amore non concipitur, sed ex priuato aut mundi amore nascitur, vt ad omnia iuxta tuum beneplacitum, ad gloriam quoque tuam, & agenda persciamus, & patienda sustineamus, in te & per te alacres, atque tui semper amore feruentes, qui es benedictus in æternum, Amen.

DE ORATIONE DOMINI IN MONTE OLINETI. Theorema VI.

ARGVMENTVM.

**I**lle cui subiecta sunt omnia, cuius omnipotentia cuncta quæ vult, potest in cælo, terra, mari & vbique, velut omnipotens, & aliena egens ope, orat.